

[*en marge*] Parochialis beatae Virginis Annunciatae Urtacae

Die 3 iulii 1686.

Praefatus dominus visitator (etc.) visitavit ecclesiam parochialem sub invocatione beatae Virginis Annunciatae de Urtaca, cuius ad praesens est rector admodum reverendus Paulus Antonius de Albertis, quam assequutus fuit duobus circiter abhinc annis per concursum, ut ex litteris patentibus apud ordinarium expeditis (etc.), percipiens in ann[u]o redditu bis centum et septuaginta libras monetae Genuae, consistentes in decimis, primitiis, oblationibus et in aliis proventibus bonorum stabilium dictae ecclesiae.

Visitavit sanctissimum sacramentum, quod invenit asservari in pyxide ex auricalco in totum deaurata, conopaeo albi coloris et cruce in eius summitate instructa ad formam, et inservit pro adoratione et communionibus generalibus et etiam pro asportando sanctissimo viatico ad infirmos.

Dictum sanctissimum sacramentum asservatur ad altare [347v], quod est unicum in ecclesia, in tabernaculo ligneo depicto et partim deaurato, conopaeo varii coloris et cruce in eius summitate instructo, munito etiam ser<r>a secreta et clave ad formam. Dictum tabernaculum tamen est exiguae et parvae formae.

Lampas ante ipsum sanctissimum sacramentum continuo ardet ex impensis communitatis, quae etiam providet una simul cum parocho de caeraeis pro deferendo sanctissimo.

Vidit umbellam ad formam et mandavit in eius summitate apponi crucem.

Pluviale, ostensorium, pyxis parva, baldachinum, velum humerale et lanternae deficiunt, atque etiam thurribulum, sed propter inopiam non ordinavit provideri de ipsis, mandavit tamen provideri de velo humerali albi coloris et de thurribulo cum eius navicula ex auricalco saltem infra annum; mandavit etiam provideri de baldachino supra tabernaculum et altare.

Fons baptismalis non adest in hac ecclesia, dictum fuit adfuisse in ecclesia campestri sancti Nicolai, quae antiquitus erat parochialis et pro maiori commoditate populi fuit translata ad praedictam ecclesiam sanctae Mariae Annun[c]iatae, sed dictum fontem dictum fuit esse deterioris formae, adeo ut nequeat in eo asservari aqua sancta; ideo mandavit fontem baptismalem construi in hac ecclesia saltem infra biennium ad formam.

Visitavit altare manutentum a communitate absque ullo redditu et onere, et est tolerabiliter [348r] provisum de requisitis ad celebrationem missae.

Visitavit suppellectilia sacra, quae asservantur in choro in quadam capsula, quam mandavit

muniti serena secreta et clave quae detineri debeat paenes parochum, saltem infra sex menses.
Dicta suppellectilia sacra sunt tolerabiliter sufficientia.

Visitavit vasa stamnea oleorum chrisomatis et cathecumenorum, et sunt ad formam.

Visitavit oleum infirmorum in vase stanneo ad formam, sed quia invenit hoc asservari in capsula una cum aliis suppellectilibus sacris, ideo mandavit in posterum debere asservari in fenestrella conficienda in pariete prope altare in cornu evangelii, quae vestiatur intus panno violacei coloris et muniatur serena et clave quae detineri deb[e]at paenes parochum, et foris inscribatur litteris maiusculis *Oleum infirmorum*.

Doctrina christiana docetur singulis diebus dominicis per parochum inter missarum solemnia, et populus est satis instructus.

Nuptiae benedicuntur ad formam missalis romani.

Procurator dictae ecclesiae adest et semel confirmatur, quia aptus est et idoneus ad praestandam operam suam in servitium ecclesiae.

Visitavit sedem confessionalem et in ea mandavit apponi schedulam casuum reservatorum et summarium bullae Coenae.

Corpus ecclesiae est tolerabiliter ad formam, dealbatum et cum foribus munitis clave quae detinetur paenes parochum.

In dicta ecclesia sunt duo monumenta sepulchralia noviter facta et manutenta a communitate, et quia [348v] populus est nimis diminutus alia non ordinavit.

Altare de candelis pro missis celebrandis providetur a parochio.

In ecclesia solet recitare rosarium diebus dominicis.

Reperitur erecta auctoritate ordinarii societas mulierum sub invocatione beatae Virginis, quae gubernatur a parochio sub quibusdam regulis approbatis, et dictae mulieres habent prioram, paenes quam asservatur massa pecuniaria proveniens ex contributionibus annuis dictarum sororum, ex qua solent subvenire sororibus defunctis de sex libris caerae pro sepulchralibus exequiis in earum depositione et etiam pro aliquibus missis celebrandis; solent congregari semel in mense in hac ecclesia, ubi leguntur eis regulae a parochio et aliae praeces effunduntur.

Confraternitas laicalis non adest neque procura[r]i potest propter paucitatem incolarum huius parochiae.

Campanile non adest, vidit tamen campanas, quarum una est fracta, et ideo mandavit

readaptari, et non mandavit fieri campanile propter inopiam communitatis quae non valet impensas contribuere.

Vidit libros parochiales et invenit ad formam.

Animae huius parochiae sunt in totum sexaginta circiter, ex quibus communica[n]tur quadraginta et quinque, et omnes paruerunt praecepto ecclesiae.

[*en marge*] Ecclesia campestris sancti Nicolai

Visitavit ecclesiam campestem sub invocatione sancti Nicolai, quae antiquitus erat ecclesia parochialis ut supra dictum est. In ea visitavit unicum altare, quod manutinetur a communitate et [349r] in eo solet celebrari aliquando, sed quia dictum altare est tantum provisum de icone et de lapide sacro et in reliquis nudum et expoliatum, dictum fuit asportari suppellectilia sacra ex ecclesia sanctae Mariae virginis Annunciatae pro missa celebranda

Corpus ecclesiae est ad formam, sicut etiam sunt eius fores, munitae clave quae detinetur paenes parochum.

In dicta ecclesia est fons baptismalis deterioris formae et inutilis, et ideo fuit mandatum ut supra.

Prope dictam ecclesiam est coemeterium, bene clausum cum cruce in medio eius elevata.

Visitavit aedes canonicales, et invenit ad formam.

In hac parochia est tantum unus clericus, scilicet Ioannes Baptista, prima tonsura initiatus, et attestante dicto parochus est bonae indolis, incedit in habitu et tonsura et inservit ecclesiae. Est etiam quaedam soror tertiaria nomine Agatae, quae servit sub regula sancti Francisci et induit habitum cinericcium cum velo albo et ut parochus et alii quam plures attestantur est bonae vitae et inservit ecclesiae.